

# Xuv Lus Qhia Rau Cov Neeg Pov Npav Uas Tsis Mus Koom Ntawm Wisconsin

Ua kom paub meej tias lub hnab ntim ntawv los ntawm koj tus neeg tuav ntaub ntawv muaj koj daim ntawv pov npav thiab lub hnab ntim ntawv uas koj yuav siv los xa rov qab koj daim ntawv pov npav lawm.

- 1 Nyeem thiab ua raws li cov lus qhia nyob rau hauv koj daim ntawv pov npav. Tej zaum cov kev ua yuam kev yuav ua rau tsis tuaj yeem suav tau koj li kev pov npav.
- 2 Koj yuav tsum xa koj daim ntawv pov npav rau tus neeg ua pov thawj uas yog neeg laus ntsia ntsoov:



- Pib los ntawm kev qhia rau tus neeg ua pov thawj tias koj daim ntawv pov npav tseem tsis tau kos cim.
- Kos cim rau koj daim ntawv pov npav rau koj tus neeg ua pov thawj ntsia ntsoov.
- Koj tus neeg ua pov thawj yuav tsum muab pov thawj tias koj ib leeg ua koj daim ntawv pov npav xwb, vim yog kev pov npav yog txoj hauv lwm ntiag tug, es koj tus neeg ua pov thawj thiaj tsis tuaj yeem qhia tau koj tias yuav pov npav rau leej twg los sis dab tsi thiab thiaj tsis tuaj yeem saib tau cov kev xaiv uas koj ua nyob rau hauv koj daim ntawv pov npav.

## Leej twg tuaj yeem ua tau tus neeg ua pov thawj?


- Tus neeg ua pov thawj yuav tsum yog Pej Xeem Neeg Teb Chaws Meskas uas muaj yam tsawg kawg 18 xyoo.
- Rau cov neeg pov npav uas yog tub rog los sis nyob txawv teb chaws, koj tus neeg ua pov thawj yuav tsum muaj yam tsawg kawg 18 xyoo, tab sis tsis tas yuav yog Pej Xeem Neeg Teb Chaws Meskas los yeej tau.
- Tus phooj ywg, tus txij hawm, ib tug neeg hauv tsev neeg, neeg zej zog, thiab lwm tus los yeej tuaj yeem ua tau tus neeg ua pov thawj.

Yog tias koj muaj teeb meem txog kev nrhiav tus neeg ua pov thawj los sis muaj lus nug txog qhov kev xav tau tus neeg ua pov thawj, thov txuas lus rau koj lub cheeb nroog tus neeg tuav ntaub ntawv los sis Wisconsin Cov Thawj Coj Ntsuam Xyuas Kev Xaiv Tsa txhawm rau thov kev pab. Cov ntaub ntawv sib txuas lus muaj nyob rau sab nraum qab ntawm nplooj ntawv no.

## Leej twg tsis tuaj yeem ua tau tus neeg ua pov thawj?

- Tus neeg sib tw rau kev xaiv tsa uas muaj npe nyob rau hauv daim ntawv pov npav rau qhov kev xaiv tsa no.

- 3 Rov muab koj daim ntawv pov npav uas tau pov npav lawm tais thiab muab tso rau sab hauv lub hnab ntim xa rov qab.
- 4 Ntaus cim rau ntawm lub hnab ntim ntawv rau koj tus neeg ua pov thawj ntsia ntsoov.
- 5 Yuav tsum sau cov kem tseg cia sau ntawm daim foos uas nyob rau hauv lub hnab ntim ntawv xa rov qab uas tsis mus khoom.



## Txhawm rau ua kom ntseeg siab tias koj daim ntawv pov npav raug suav, ntsuam xyuas cov hauv qab no ob lwm ua ntej koj muab nws xa rov qab:



- **Koj cov ntaub ntawv tus neeg pov npav:** kem no feem ntau lawm tau ua los ntawm koj tus neeg tuav ntaub ntawv thiab suav nrog hnub tim xaiv tsa, lub khauj tim thiab lub cheeb nroog uas koj tau sau npe, koj lub npe, qhov chaw nyob uas koj tau sau npe, lub nroog, thiab tus khauj zip.
- **Tus Neeg Pov Npav Kos Npe:** koj (los sis tus neeg pab koj) yuav tsum kos npe rau hauv Daim Ntawv Pov Thawj ntawm kem Tus Neeg Pov Npav.
- **Tus Neeg Ua Pov Thawj Kos Npe thiab Chaw Nyob:** koj tus neeg ua pov thawj yuav tsum kos npe thiab sau lawv li chaw nyob (nab npawb txoj kev, npe txoj kev, nroog) rau hauv Daim Ntawv Pov Thawj ntawm kem Tus Neeg Ua Pov Thawj.
- Ua kom ntseeg siab tias koj daim ntawv pov npav nyob rau hauv lub hnab ntim lawm thiab ua kom ntseeg siab tias tau ntaus cim rau lub hnab ntim raws li phim lawm.

Yog tias plam tej cov ntaub ntawv twg uas yuav tsum tau ua saum toj, ces koj daim ntawv pov npav yuav tsis raug suav.


- 6 Xa koj daim ntawv pov npav rov qab.



- Yuav tsum tau txais koj daim ntawv pov npav kom ncaiv sij hawm txhawm rau xa mus rau koj lub chaw pov npav **tsis pub dhau tshaj 8:00 teev tsaus ntuj nyob tau Hnub Xaiv Tsa.** Muaj ob peb txoj hauv kev xaiv xa rov qab koj daim ntawv pov npav.

Koj tuaj yeem:

- Xa nws rov qab nyob rau hauv kev xa ntawv
- Xa nws tso rau ntawm koj lub cheeb nroog tus neeg tuav ntaub ntawv lub chaw ua hauj lwm:
- Xa nws tso rau ntawm koj lub chaw pov npav los sis lub chaw suav



- Teb Chaws Mes Kas Lub Chaw Pab Cuam Kev Xa Ntawv xav kom xa koj daim ntawv pov npav yam tsawg kawg ib vij ua ntej Hnub Xaiv Tsa. Tej zaum kev xa daim ntawv pov npav los ntawm tus neeg nyob txawv teb chaws yuav siv sij hawm ntev zog.
- **Cov ntawv pov npav uas tsis mus koom tej zaum yuav tsis tuaj yeem xa rov qab tau los ntawm email los sis fev.**

## Kev Nrhiav Kev Pab

Yog tias koj xav tau kev pab nyeem los sis sau koj daim ntawv pov npav los sis lub hlab ntim xa rov qab uas tsis mus koom, tej zaum koj tuaj yeem thov tau kev pab los ntawm tej tus neeg uas tsis yog koj tus tswv hauj lwm los sis tus sawv cev ntawm koom haum neeg ua hauj lwm. Tus neeg pab koj tej zaum kuj yuav pab tam li koj tus neeg ua pov thawj. Kev piav qhia txoj hauv kev sau koj daim ntawv pov npav los sis lub hlab ntim xa rov qab yuav tsis muaj “kev pab.”

### Nrog rau koj daim ntawv pov npav

- Tus neeg pab koj yuav tsum kos npe rau hauv Daim Ntawv Pov Thawj ntawm kem Tus Neeg Pab.
- Koj tus neeg pab tuaj yeem nyeem tau koj daim ntawv pov npav rau koj mloog los sis sau koj daim ntawv pov npav raws li koj qhia, tab sis tsis tuaj yeem qhia tau txoj hauv kev pov npav rau koj.

### Nrog rau koj lub hlab ntim ntawv xa rov qab uas tsis mus koom

- Yog tias muaj qee leej neeg kos npe rau koj lub hlab ntim ntawv xa rov qab uas tsis mus koom sawv cev tam koj, ua kom ntseeg siab tias lawv los kuj kos npe rau hauv Daim Ntawv Pov Thawj ntawm kem Tus Neeg Pab lawm thiab.
- Tus neeg pab koj tej zaum kuj yuav pab tam li koj tus neeg ua pov thawj.

## Kev Kho Cov Ua Yuam Kev Ntawm Daim Ntawv Pov Npav

- Yog tias koj ua yuam kev thaum uas koj kos cim rau koj daim ntawv pov npav los sis lwm yam uas yuav tsum tau hloov koj daim ntawv pov npav, txuas lus rau koj lub cheeb nroog tus neeg tuav ntaub ntawv. Koj lub cheeb nroog tus neeg tuav ntaub ntawv cov ntaub ntawv sib txuas lus yog tau teev tseg rau hauv qab lawm.
- Yog tias muaj sij hawm tsis txaus los thov hloov daim ntawv pov npav thiab koj tsis tau xa rov qab koj daim ntawv pov npav, tej zaum koj tseem yuav pov npav tau tim ntsej tim muag ntawm qhov chaw pov npav nyob rau Hnub Xaiv Tsa.
- Cov hom neeg pov npav uas sib txawv yuav muaj lub sij hawm los thov hloov daim ntawv pov npav sib txawv. Thov saib cov kev qhia meej tseeb ntxiv hauv qab.

### 5:00 teev yuav ntsaus ntuj Hnub Thursday ua ntej xaiv tsa

- Cov neeg pov npav uas tsis mus khoom raws li ib txwm
- Cov neeg pov npav uas nyob txawv teb chaws ruaj khov lawm
- Cov neeg pov npav uas nyob txawv teb chaws ib cuam sij hawm

### 5:00 teev yuav ntsaus ntuj Hnub Friday ua ntej xaiv tsa

- Cov neeg pov npav uas yog tub rog\*
- Cov neeg pov npav uas yog neeg raug txim tsis paub xaus

\*Yog tias daim ntawv pov npav muaj nyob ntawm tsoom fwm cov chaw ua hauj lwm, tej zaum cov neeg pov npav uas yog tug rog uas nyob deb tsev lawm tuaj yeem thov hloov tau cov ntawv pov npav mus kom txog thaum 5:00 teev ntsaus ntuj nyob rau Hnub Xaiv Tsa

## Tus Neeg Pov Npav Cov Ntaub Ntawv Qhia Txog Tus Kheej Uas Muaj Duab

- Yog tias koj tau txais koj daim ntawv pov npav lawm, ces txhais tau tias daim theej tawm ntawm koj daim ID uas muaj duab twb nyob rau hauv cov ntaub ntawv lawm los sis koj tau txais kev zam los ntawm txoj cai lawm. Koj tsis tas yuav muab lwm daim theej tawm ntawm daim ID uas muaj duab lawm tshwj tsis yog muaj lus qhia los ntawm koj tus neeg ua tuav ntaub ntawv.
- Yog tias koj muaj lus nug hais txog txoj cai teeb tseg rau daim ID uas muaj duab, thov txuas lus rau koj lub cheeb nroog tus neeg tuav ntaub ntawv.

Yog tias koj muaj lus nug dab tsi, thov txuas lus rau koj lub cheeb nroog tus neeg tuav ntaub ntawv txhawm rau thov kev pab.

Koj Lub Cheeb Nroog Tus Neeg Tuav Ntaub Ntawv Cov Ntaub Ntawv Sib Txuas Lus

**Maribeth Witzel-Behl**

(Lub Cheeb Nroog Tus Neeg Tuav Ntaub Ntawv Lub Npe)

**Nroog Madison**

(Lub Cheeb Nroog Lub Npe)

Xov tooj: (608) 266-4601

Email: [voting@cityofmadison.com](mailto:voting@cityofmadison.com)

Fev: (608) 266-4666

Xeev Tus Neeg Ua Hauj Lwm Rau Kev Xaiv Tsa Cov Ntaub Ntawv Sib Txuas Lus

Wisconsin Cov Thawj Coj Ntsuam Xyuas Kev Xaiv Tsa

**Kev Pab Cuam Ntaub Ntawv - Pab Txhawb:** (608) 261-2028

Email: [elections@wi.gov](mailto:elections@wi.gov)

**Rau tus neeg pov npav li ntaub ntawv, ntsuam xyuas**  
**MyVote.wi.gov**